

vñ getrieben in die hovt. Swenne daz wachen  
ist von der swarzen colera so wirt du hove  
pleivar. vñ gewinnet der man angst sorgē  
vñ vil gedanche. So daz wachen ist von de  
gesalzen fleymate. so wirt man trage vñ  
ieht gemütich. Merche daz wachen truchet  
du lit. da des libel chraft an ster. vñ irret  
die dewe. da von werdent bose vevht indem  
libe. Ist daz wachen von der roten colera. so  
soltv daz hovpt waschen mit wazzer da in  
ne gesoten si mage. vñ latich same vñ viol.  
Du sollt ovch machen nisent mit violole vñ  
mit latich souge. vñ heiz dir melchen uf daz  
hovbet ein wip. vñ u birst du melch si von  
einem dien chinde. **Vñ dem geswer**  
**E**in geswer wirt andem hurne au symeli  
chen vellen du daz hurne habent bedechet. daz  
heizet uilatine frenesis. Swer daz geswer  
hat der mach niht geflassen. vñ wirt an sinne.  
Daz selbe geswer wirt ettewenne von der co  
lera so si sich enzündet vñ uf get in daz hovpt.  
Iz wirt ovch ettewenne von dem rüche des val  
wunden blutes. indem herzen so iz uf rüchet

I. uj.